

فيديو # ٧٠٦ من مقاطع حظر التجول تدبر سورة المدثر # ١

الآيات ١-١٠

فاضل سليمان

السلام عليكم ورحمة الله وبركاته. اهلا بحضراتكم في المقطع رقم ستمية سبعة من مقاطع حظر التجول والحلقة الاولى من حلقات تدبر سورة المدثر ارجو من حضراتكم تجيبيوا المصاحف سورة المدثر - [00:00:01](#)

المدثر صورة مكية عدد اياتها ستة وخمسين اية ليس لها اسماء غير سورة المدثر يعني مش بتشتهر باسماء اخرى وزي ما قلنا هي من اول اربع سور في القرآن الكريم. العلق والمزمول والمدثر والقلم. اه تصحح. انا امبارح اخطأت وقلت - [00:00:28](#) العلق والمزمول والمدثر والجن. غالبا انا قلت الجن امبارح. فده غلط هي القلم طبعا. وازن هي حتى ما حدش فيكم صلحها لي ولا حتى بعت لي كومنت غالبا عدت عليكم وكلكم كنتم فاكرين ان انا بقول الجن يعني هي - [00:00:50](#)

هي سورة القلم السبب يا جماعة الاختلاف بين العلماء في ترتيب السور الاربعة دول هو انهم نزلوا منجمين. يعني ايه منجمين؟ يعني مقطعين ونزلوا في قلب بعض. يعني اول ايات نزلت بالاتفاق هي اول خمس ايات من سورة العلق - [00:01:03](#) اعوذ بالله السميع العليم من الشيطان الرجيم آآ اقرأ باسم ربك الذي خلق. خلق الانسان من علق. اقرأ وربك الراكم. الذي علم بالقلم علم الانسان ما لم يعلم ثم نزل اوائل المدثر. قبل ما تنزل باقي العلق - [00:01:29](#)

ثم اوائل المزمول يعني هنا بقى فيه اختلاف كبير يعني. اوائل المدثر الاول ولا اوائل المزدمر الاول؟ يعني في رأي قوي جدا ان اوائل المزمول نسبة الاول. وبعد كده اوائل المدثر - [00:01:53](#)

ثم اجزاء من القلم. ثم يرجع ينزل تاني ايات من السورة وهكذا. فنزلوا في قلب بعض. عشان كده في اختلاف كتير دايما بين العلماء في ايه نزل قبل ايه بصراحة ايه نزل قبل ايه - [00:02:06](#)

مش عادل لما نيجي نرتبهم لانه في النهاية لازم نقول دول اربع صور نزلوا في الاول مع بعض وخلاص بصراحة ان في كل سورة منهم في ايات نزلت بعد السورة اللي بعدها - [00:02:19](#)

المهم دايما كان الوحي بيقوم بترتيب الایات في السور في عرضة القرآن كل سنة مع النبي صلى الله عليه وسلم. كل سنة كان جبريل يعرض القرآن مع النبي صلى الله عليه وسلم ويرتب له الایات يقول له دي تتحط في البقرة. دي تتحط في القلم وهكذا - [00:02:30](#) آآ وبالتالي يعني زي ما قلنا كده ترتيب الصور دي خاصة من حيث ترتيب النزول صعب جدا. اصلا ترتيب النزول صعب لأن معظم الصور نزلت بهذه الطريقة تعالوا بقى نبدأ - [00:02:49](#)

سورة المدثر اه طبعا انا ما دام قلت ان كل سنة كان في عرضة للقرآن بين النبي وبين جبريل الامين لأ وآخر سنة كان فيه عارضتين والعارضتين دول وكل العرضتين يعني كان بيحضرها الصحابة الكبار المتخصصين في القرآن الكريم امثال - [00:03:02](#) ابي بن كعب عبدالله بن مسعود عبدالله بن عباس آآ وهكذا علي ابي طالب كل الكبار بتوع الایه آآ علوم القرآن. تعالوا بقى نبدأ نقرأ سورة المدثر مع بعض - [00:03:23](#)

اعوذ بالله السميع العليم من الشيطان الرجيم. بسم الله الرحمن الرحيم يا ايتها قم فانذر. وربك فكير. وثيابك فطهر. والرجز فاهجر ولا تنف لن تستكثر ولربك فاصبر ربنا سبحانه وتعالى بینادي النبي صلى الله عليه وسلم - [00:03:39](#) بملائفة قلنا في بداية سورة المزمول واحنا بشرحها ان الاصل هو المناداة بالاسم. اقول يا خالد يا احمد يا هدى يا اذا ناديت بالوظيفة

يبقى فيها تعظيم. يا دكتور يا معلم يا مهندس يا - 00:04:10

اذا ناديت بوصف ببقي فيها تحبب وتقرب. ان لم يكن سخريا زي ما النبي عليه الصلاة والسلام نادى عبدالرحمن بن صخر يا ابا هريرة عشان كان بي Shirley قطة في كمه - 00:04:27

وكانت تبقى قطة صغيرة فهيره تصغير هرة تلتصقت به الايه؟ الصفة واصبحت اسم له اذا المناداة بالصفة بتبقى نوع من التحبب والتدليل. دلع كده. اسم ايه؟ حد بيطلع حد يعني - 00:04:42

فالنبي عليه الصلاة والسلام لما نزل عليه الوحي اول مرة اللي هم اول خمس ايات من سورة العلق عاد الى خديجة بنت خويلد رضي الله عنها وهو يرتجف كان بيترعش وقال زملوني دثروني - 00:04:59

زملوني يعني يلفوني في حاجة لفوا حواليا بطانية دثروني غطوني وقلنا قبل كده ان كلمة دثار يعني غطاء يسمى القميص الخارجي ديثار لانه يغطي الشعار. الشعار هو الملابس الداخلية فنزلت اوائل سورة المزمل - 00:05:15

يا ايها المزمل ومن الليل الا قليلا ربنا بيتحبب الى النبي صلى الله عليه وسلم بيقول له انت يا متکلفت يا اللي ملفوف انت يا اللي لاف نفسك في بطانية يا ايها المزمل - 00:05:39

قم الليل الا قليلا قم صل واتكلمنا في سورة المزمل عن الصلاة وقيام الليل وازاي ربنا جهز النبي صلى الله عليه وسلم بصلوة الليل للقيام بواجهه الدعوي. هو ده الفيتامين اللي بيأخذه عشان يقدر يصبر ويقف ويقوى على - 00:05:56

اداء مهامه ثم نزلت اوائل المدثر يا ايها المدثر فاندر يا ايها المدثر انت يا اللي متغطي قوم اشتغل قم فاندر خلاص موضوع بقى زملوني ودثروني خلاص دلوقتي وقت الشغل بقى وهينزل عليك الوحي كتير ومش هتخاف تاني بقى خلاص - 00:06:15

بس ايها قيمة قم فممکن ربنا كان يقول له يا ايها المدثر اندر حلوة برضه وهي يعني ايها المشكلة لازم قم في اندر. هل ربنا يقصد انه لازم دايما وهو بيدعو يدعو وهو واقف يعني - 00:06:49

شووفنا فين تاني موضوع القيام للدعوة ده مين يفتكرا اكتبوا لي في الكوموناتات لو افتكتم شفت مين تاني بيقوم ويدعو مم مين فاكر مم مش شايف حد افتكره. طيب بصوا - 00:07:09

فاكرين في سورة الكهف اصحاب الكهف ربنا وصفهم ازاي قال ايه ربنا انهم فتية امنوا بربهم وزدناهم هدى. وربطنا على قلوبهم اذ قاموا فقالوا ربنا رب السماوات والارض لن ندعوا من دونه الها ، لقد قلنا اذا شططا - 00:07:35

قاموا شف هم قاموا ليه؟ ما ربنا ربط على قلوبهم قو قلوبهم فقاموا دى بتعطي شعور للقارى بان الكلام في قوة الكلام في مواجهة وشجاعة. دول مش بيقولوا لتابعهم ولاصدقائهم كلام هيخليلهم يسقفو لهم ولا يضحكوا. لا. دول - 00:08:01

قولوا كلام بيهم العقائد الفاسدة بتاعة شعب كامل هم عايشين في وسطه بيقولوا كلام يزلزل عروش الطغاة والجبابرة. فلا بد الموضوع يحتاج وقفه قم فاندر موضوع كبير النبي عليه الصلاة والسلام - 00:08:21

ذير وبشير نذير ينذر الكافرين بالعذاب وبشير يبشر المؤمنين بنعيم. لكن ربنا آآ بدأ باندر فقط. امال فين البشارة ربنا بيجهز النبي عليه الصلاة والسلام نفسيا ان معظم اللي هتكلمهم هيذنبوك اصلا وهيفروا بك. قم فاندر. ما هو ان الانذار نزل لدول - 00:08:43

فبعطي للنبي صلى الله عليه وسلم صورة واقعية عن المنازير اللي هيشفوها لسة وعن المواقف اللي هتواجده مش في مصلحته ان ربنا يقول له كلام يخليله متفائل جدا وبعدين يفاجأ بالهجوم الشديد - 00:09:10

الشديد لا لا ليه ؟ من دلوقتي اعرف يا ايها المدثر قم فاندر وربك فكر اياك اياك تتنازل كبر ربك عشان عدوك يسخر في عينك ما فيش بعد كده زملوني ودثروني خلاص. الخوف والذهول اللي انتابك في اول مرة ولا مرتين ده خلاص - 00:09:27

كده اتعود بقى انت معك القوي معك الكبير اللي ما ينفعش ما ينفعش تختلف من حد غيره ابدا وربك فكر الحرب احنا بنكبر عشان عدونا يصغر في عيننا. عند اشتعال حريق السنة ان واحد يكبر وهو بيطفئ النار عشان النار - 00:10:00

اسخر عشان انت في في مواجهة شديدة وفي خطير شديد عشان بتاخذ يعني بتدي نفسك قوة ما فيش اكبر من الله بس في نفس الوقت التكبير سلاح نستخدمه اسناء الصلاة - 00:10:25

الله اكبر بنقولها في الصلاة بين كل حركة وحركة وكأنه سلاح بنسخدمه لندفع به الشيطان ولنقاتل به الشيطان كلما اقترب مننا او مننا علشان عشان يووسوس لنا ويشتتنا ويبعدنا عن الخشوع في الصلاة. فبنستعين بالتكبير. الله اكبر - 00:10:46

اخلوص وبعدين يووسوس الله اكبر وتنزل ترکع. وهكذا الاستعانة بالتكبير سلاح في ايد المؤمن وبيحمل التكبير معاني التوحيد. مش ممكن واحد يقول الله اكبر وهو مؤمن ان ربنا احد الاله يعني. مش ممكن - 00:11:11

الله اكبر والتوكيل يكون عليه فقط ازاي واحد يقول الله اكبر من قلبه وهو متوكل على غير الله والاستعانة به فقط ايها نستعين نقول الله اكبر بتعطي قوة شديدة ودفعه للانسان - 00:11:29

اقرأ معى الآية اربعة وثيابك فطهر هنا اختلفوا في الآية دي هل ربنا يقصد الطهارة المعنوية لأن العرب تستخدمن الشياب كناءة عن النفس وثيابك فطهر العرب تستخدمن الشياب كناءة عن النفس. يعني عن طرب بن شداد وده أحد شعراء الجاهلية الكبار - 00:11:48

لما قتل أحد اعداءه كان مشهور عنترة مشهور بالفروسيه. لما قتل أحد اعدائه قال فشككت بالرمح الاصل ثيابه يعني ايها شككت بالرمح ثيابه هو معقول قتله لما قطع هدومه يعني ؟ لأن ثيابه يعني نفسه. يعني بيوصف قتله بهذه الطريقة - 00:12:21

فشقت بالرمح الاصل ثيابه فاكيده هو ما قطعش هدومه. ازا الشياب هنا كناءة عن النفس. في هذه الحالة وثيابك فطهر يعني طهرت النفس. من امراض القلوب من الكبر من العجب - 00:12:42

من الغرور وممكن يكون معناها الطهارة الحسية وهو امر من الله سبحانه وتعالى للمؤمنين من خلال النبي صلى الله عليه وسلم بانه تكون ثيابهم ظاهرة باستمرار ما فيش عليها نجاسة - 00:12:59

لكن دي بقى جمال التدبر اصل هي مستغرية شوية ان ربنا يقول عليه الصلاة والسلام وثيابك فطهر يعني اكيد ثيابه على طول ظاهرة يعني اجمع بقى الآيتين ثلاثة واربعة مع بعض وركز كده - 00:13:15

وربك فكير وثيابك فطهر معناها ايها ؟ ركز كده المقصود به ايها الشيء اللي بيكرد بيجمع فيه التكبير وطهارة الثوب بالزياد يجتمعوا في ايها الصلاة ازا وربك فكير وثيابك فطهر قد تكون كناءة عن الاستعانة بالصلاحة حتى يستمد من الله القوة - 00:13:37

والعون على اداء مهمته. يا ايها المدثر قم فانذر وصلي قم الليل الا قليلا في المزمل وفي المدثر وربك فكير وثيابك فطهر. الصلاة مستمرة معنا انت هتنذر بالنهار وتهتصل بالليل - 00:14:13

فإذا فرغت وانصب من الشغل بالنهار فرغت من الكلام مع ده ومع ده ومن الدعوة مش هنام قوم اقف اذا فرغت فانصب قم الليل الا قليلا وربك فكير وثيابك فطهر - 00:14:36

انا اقول لكم انا ده تدبرى الحقيقة انا ارى الجناء عن الصالح. الصلاة مستمرة معك كمل بقى معك كمان. خمسة والرجز فاهجر الرجز والرجز قراءتان بمعنى واحد. وهو الشيء البغيض جدا. طبعا ايضا بتحمل معنى العذاب - 00:14:57

لكن هي الرجز والرجز شيء بغيض مستقذر وتطلق على عبادة الأصنام ربنا يقول عليه الصلاة والسلام والرشد فاهجر يعني الشرك ربنا بيأمر النبي صلى الله عليه وسلم يترك عبادة الأصنام يهجر عبادة الأصنام - 00:15:19

هو النبي عليه الصلاة والسلام عبد الأصنام قبل الرسالة عشان يعبدها بعد الرسالة يعني ازاي ربنا يأمر النبي عليه الصلاة والسلام انه ما يبعدهم الأصنام اقول لكم ازاي اللي فاكررين سورة الأسراء التدبر بتاعها - 00:15:43

معظم الرسائل اللي زي دي نزلت في سورة الأسراء ربنا نهى النبي صلى الله عليه وسلم انه يتخذ مع الله الها اخر. معقول معقول النبي عليه الصلاة والسلام يتخذ مع الله الها اخر - 00:16:01

ازاي اكبر الله عبد من دون الله ايه اكبر صنم عبد من دون الله الله. الايجو اللي خلى ابليس يبقى شيطان انا خير منه - 00:16:18

ما كانش فيه شيطان قبل الشيطان عشان الشيطان يبقى شيطان. كان فيه انا خليته شيطان اللي خلت فرعون يبقى شيطان اليهس لي انا. ملك مصر وهذه الانهار تجري من تحتي - 00:16:45

انا خلد فرعون يبقى شيطان. قارون انما اوتته على علم عندي انا خلي بالكم من اللي يقول انا كتير ده. دليل على الكبر حتى لو [00:17:01](#) يبمسل التواضع. خلوا بالكم. اخطر انواع الكبر -

هو التواضع المقصطع اخطر انواع الكبر. التواضع المقصطع مطلوب منك مهمة كبيرة يا محمد يا ايها المدثر يا اللي متغطي اقف بشجاعة واندر وربك بك فكبر وثيابك فطهر. صل قم الليل الا قليلا - [00:17:21](#)

واهجر الانا عشان تنجح والرشد فاهجر الهجر هو الابتعاد التام مش شوية كده وشوية كده احنا بقى ايه شوية تتغير وشوية نفس ان [00:17:46](#) احنا اتغرينا شوية فنيجي نعمل ايه هجر تام -

اجر تام لمسألة الانا ولا تمن تستكتر المهن هو التذكير بالنعمة المنعم يمن على من انعم عليه هنا ربنا بيقول للنبي عليه الصلاة والسلام [00:18:05](#) انه هي عمل اعمال عزيمة جدا. وكبيرة جدا وكثيرة جدا. فما تقدعش تمن بها -

ما حدش يقدر يمن على ربنا. يعني في بعض التفاسير قالت ايه؟ انه ما يمنش على الله. ما حدش يقدر يمن على الله الانسان ممكنا [00:18:35](#) يمن على نفسه. ازاي الانسان يقدر يفتكر اعماله الصالحة -

ويستكترها من نعم ربنا عليك انك بتتنسى اعمالك الصالحة انت متخيلا لو انت فاكر كل عمل صالح عملته في حياتك مش هتعمل [00:18:56](#) اعمال صالحة تاني خلاص كل صدقة اخرجتها للمسكين كل حاجة كل مساعدة ساعدتها لحد تحتاج مساعدة -

هستكتر فسيتوقف عملك او سيقل اعمالك الصالحة. وبالتالي ربنا بيعطي رسالة للنبي عليه الصلاة والسلام انك هتعمل اعمال كبيرة [00:19:17](#) جدا وكثيرة جدا فما تقدعش تستكتر اعمالك. ده معناه انه هيطلب منه اعمال ايه؟ كثيرة جدا -

ولا تمن تستكتر. هل معقول انا هطلب من حد خدمة صغيرة او او وزيفة بسيطة وهو رايح يعمل حاجة بسيطة جدا مسلا ايه معلش [00:19:37](#) ممكنا توديه الماج ده هناك كده في المطبخ -

وما تقدعش بقى تمن علي بقى وتقعد بقى تزلي هي اصلا خدمة صغيرة. اكيد مش هاقول له كده. لو هي الخدمة صغيرة. لو هو [00:19:51](#) الطلب بتاعي صغير. اكيد بتاعي كبير جدا عشان اقول له ايه هطلب منك طلب بس بقول لك ايه ما تقدعش بقى تمن علينا وبتاع [00:20:08](#) بقى اكيد طلب كبير -

ولا تمن تستكتر. بقى الاعمال اللي جاية استعد بقى يا محمد سبعة ولربك فاصبر قبل ان يرى النبي صلى الله عليه وسلم الاذى [00:20:58](#) الشديد ربنا بيجهزه نفسيا عشان ما تباقاش مقاومة بتاعتهم مفاجأة بالنسبة له -

ولربك فاصبر وتجد صورة المزمل ربنا بيقول له فيها واصبر على ما يقولون واهجرهم هجرا جميلا. وفي ده السر هنا ولربك فاصبر [00:20:31](#) وخليل بالك. ولربك اللام دي لام التعليل يعني ايه -

يعني الواحد لما يقول اصبر ليه كل ده هيقولوا له يا اخي اصبر عشان ربنا ولربك فازلا عشان ربك اصبر ولربك يعني [00:21:23](#) عشان ربك اصبر على اذاه اصبر على العمل الصالح ولا تشعر بانه كتير -

اصبر على قيام الليل اصبر على كل على الدعوة وعلى انذار المكذبين. لذلك ولربك فاصبر مش مش بالضرورة يكون معناها اصبر على [00:21:43](#) اذاهم بس على كل ده هات من الاول بقى. قم فانذر واصبر على الانذار -

صح وصلی وربك فكبر وثيابك فطهر واصبر على الصلاة وعلى القيام والرز فاهجر ولا يعني ولا تمن تستكتر واصبر على عدم التكبر [00:22:02](#) وعلى انك تعمل اعمال عزيمة وكبيرة وانك ما -

تقعدش تفتكر اعمالك العزيمة دي عشان تقدر تستمر وتعمل اكتر ولربك فاصبر اقرا معندي من تمانية عشرة فاذا نقر في الناقور فذلك [00:22:31](#) يومئذ يوم عسير على الكافرين غير يسير انذرهم -

لانه اذا نقر في الناقور هيبقى يوم صعب او ي على الكافرين تشعر ان الله سبحانه وتعالى يبوصي النبي صلى الله عليه وسلم بعباده [00:22:43](#) الكافرين شف رحمة ربنا قم فانذر واصبر عليهم لان لو جه عليهم يوم القيمة هيبقى يوم صعب او ي عليهم وهم على الكفر يا محمد. فاصبر عليهم لعل انهم يهتدوا -

ده مش كلام رب يريد ان يعذب احد في فرق بين الارادة والمشيئة. ربنا يريد ان الناس تهتدى لكن ربنا شاء ان الناس تبقى حرة في

اتخاذ القرار والاختيار بحرية بين الحق والباطل - 00:23:01

فبالتألي الناس بعضها بيختار الحق وبعضاها بيختار الباطل ربنا لا يريد ان يعذب احد اذا نقر في الناقور. الناقور هو البوق اي اذا نفح في البوق ما هو الحاجة الفعل بتاع الحاجة بيستمد من اسمها. يقول لك طبل على الطلبة. هم - 00:23:23

انقر في الناقور يعني انفح في البوق وربنا لم يحدد هل دي مقصود بها النفحة الاولى اللي هتموت فيها كل الخلائق اللي هي يوم القيمة ولا دي النفحة الثانية اللي هي هتبعد فيها الاموات من القبور اللي هو يوم - 00:23:52

البعث احنا قلنا الساعة عدة ايام يوم القيمة ويوم البعث. وفي بقى فوز تقول بعد كده بقى يوم العرض ويوم الكلام ده. المهم ايا كان المقصود منهم انه هيبقى يوم صعب - 00:24:14

كذلك يومئذ يوم عسيرة على الكافرين غير يسير بمفهوم المخالفة على المؤمنين يسير ما هو اللي ربنا بيقول على الكافرين غير يسير يبقى على غير الكافرين يسير. ده اسمه مفهوم المخالفة - 00:24:34

ثم تبدأ بقى مجموعة ايات الوليد بن المغيرة احد اكبر صناديد قريش واكثرهم ثقافة انه للاسف كان ايضا اكثراهم كفرا وعنادا لكن ده ما كانش كافر جاهم ده كان كافر عن علم - 00:24:59

وده بينطبق النهاردة على كثيرين جدا من اعداء الاسلام علماء وليد المغيرة قال لهم يا معاشر قريش انه قد حضر هذا الموسم. موسم الحج يعني وان وفود العرب ستقدم عليكم فيه. هييجوا في الموسم ده - 00:25:22

وقد سمعوا بامر صاحبكم هذا سمعوا بامر محمد اللي بيذيعي النبوة العرب بدأت تسمع وجایين في وفود في اول موسم حج هيبداوا يسألوا في مكة اهو ايه الحكاية بصوا الرجال عبقرى قال لهم ايه بقى - 00:25:44

فاجمعوا فيه رأيا واحدا ولا تختلفوا فيكذب بعضكم بعضا. ويرد قولكم ويرد قولكم بعضه بعضا. يعني اجتمعوا على رأي واحد بحيس اي حد من اي قبيلة يسأل اي انسان في قريش يقول له نفس نفس الحاجة اللي كلنا - 00:26:02

نتفق عليها. عشان لو تضاربت الاقوال هيكتبواكم ويصدقواكم الو اختر لنا انت قول نقوله وما حدش يقول غيره قال لهم لا قولوا انت واقترحوا وانا اسمع منكم وبدأوا يعملا بقى عصف ذهني - 00:26:25

قالوا نقول كاهن قال لا والله ما هو بكافه ولقد رأينا الكاهن فما هو اللي هو القرآن بزمزمة الكاهن ولا سمعه. كلام الكاهنة معروف. مش كده خالص قالوا فنقول مجنون - 00:26:46

قال ما هو بمجنون؟ لقد رأينا الجنون وعرفناه فما هو بخنقه ولا تحالجه ولا وساوته. ما احنا عارفين المجنون يعمل حركات ومش عارف ايه وبتاع ده مش مجرور خالص ولا مش مجرور - 00:27:05

والعرب عارفين المجانين شكلهم ازاى ما بتقولوش كلام العرب تكذبكم فيه يعني الرجال عمال يعمل عصف ذهني وعايزين يوصلوا لحاجة. عبقرى قالوا فنقول شاعر. قال ما هو بشاعر. لقد عرفنا الشعر كله لا هي بحور الشعر ولا اوزان الشعر - 00:27:18

قالوا فنقول ساحر. قال ما هو بساحر؟ لقد رأينا السحارة وسحرهم فما هو بنفسهم ولا عقدتهم قالوا فما نقول يا ابا عبد شمس؟ قال والله ان لقوله لحلاوة. وان اصله لعنة وان فرعه لجناه. وما انت بقائلين من هذا - 00:27:39

لا شيئا الا عرف انه باطل. وان اقرب القول فيه قال لهم بصوا كل ده كلام فارغ. بس بصرامة كده. اقرب حاجة مش الصح. اقرب حاجة ممكن تنطلي على العرب ان احنا نقول هو ساحر فعلا - 00:28:03

لانه الناس لما بتؤمن به بيحصل تفرقة بين المرء وابيه وبين المرء واخيه وبين المرء وزوجه وبين المرء وعشيرته. فتفرقوا عنه بذلك. فنقول للناس هو ساحر وبسحره قدر يفرق بين الناس - 00:28:21

مع ان ساحر اقتربت الاول بس هو لقى ان ما فيش اصلا اي وصف مشين ينفع للنبي عليه الصلاة والسلام بس قال لك اقل حاجة فيهم ممكن ناخدها فجعلوا يجلسون بسبل الناس يعني قاعدين في طريق الناس وهم داخلين في موسم الحج. لا يمر بهم احد الا حذروا - 00:28:40

وذكروا له امره فنزلت فيه الوليد ابن المغيرة ده الایات من حداشر لسبعة وتلاته. احنا نتدبر تعال نقرأ دلوقتي من حداشر لستة

وعشرين وهنتدبرها غدا ان شاء الله نفراها دلوقتي مع بعض - [00:29:04](#)

ذرني ومن خلقت وحيدا وجعلت له مالا ممدودا. وبنين شهودا. ومهدت له تمهيدا. ثم يطمع ان ازيد كلا انه كان لا ياتنا عنيدا. سارهقه صعودا. انه فكر وقدر فقتل كيف قدر؟ - [00:29:23](#)

ثم قتل كيف قدر؟ ثم نظر ثم عبس وبصر ثم ادبر واستكبر فقال ان هذا الا سحر يؤثر من هذا الا قول البشر ساصليه سقر متوقفون الليله وبكرة ان شاء الله هنبدأ نتدبر من الاية حداشر. اللهم انا نسألك حبك وحب من يحبك وحب كل عمل يقربنا - [00:29:53](#)
الى حبك اللهم ما رزقنا ما نحب فاجعله قوة لنا فيما تحب. وما زويت عنا مما نحب فاجعله فراغا لنا فيما تحب. اللهم اجعل حبك احب اليها من اهلينا واموالنا ومن الماء البارد على الظما - [00:30:25](#)

اللهم حبنا اليك والى ملائكتك وانبيائك ورسلك وعبادك الصالحين واجعلنا ممن يحبك ويحب ملائكتك وانبيائك ورسلك وعبادك الصالحين اللهم احيي قلوبنا بحبك واجعلنا لك كما تحب اللهم اجعلنا تحب بكل قلوبنا. ونرضيك بكل اجسادنا - [00:30:46](#)
اللهم اجعل حبنا كله لك وسعينا كله في مرضاتك اللهم اجعل القرآن الكريم ربيع قلوبنا ونور صدورنا وجلاء احزاننا وذهاب وغمومنا ومغفرة ذنبينا. اسأل الله العلي العظيم ان يجعل هذا التدبر في ميزان حسناتي. وحسنات - [00:31:14](#)

جميعا اللهم فاطر السماوات والارض عالم الغيب والشهادة انت تحكم بين عبادك فيما كانوا فيه يختلفون. فبحق كل حرف في كتابك تلوناه او تدبرناه. اكفنا واهلينا واخواننا واخواتنا شر كل من يكيد لنا ولهم. واحفظنا واياهم من شرورهم - [00:31:41](#)
ونجعلك اللهم في نحورهم. فانت الوكيل ولا حول ولا قوة الا بك اللهم بحق كل حرف في كتابك تلوناه او تدبرناه. ايد بنصرك المرابطين في الارض المباركة فلسطين اكون مع اخواننا في تركستان الشرقية وفي الشام وفي كشمير وفي الهند وانصر من نصرهم واخذل من خذلهم وطهر المسجد الاقصى - [00:32:02](#)

اقسى من الدنس فانهم لا يعجزونك. اللهم من قضى منا بالوباء المنتشر فاكتبها له شهادة. ومن كان منا او من احبابنا او من اخواننا او من اخواتنا او من مشايخنا او من علمائنا - [00:32:31](#)

مرضا به او حاملا له فالبسه ثوب الصحة والعافية عاجلا غير اجل. ومن لم يصب به فقهه شره وابعده عنه. ولا تزل الا على اعدائك واعداء دينك واعداء اولائك. اللهم انك تعلم ان هذه القلوب قد اجتمعت على - [00:32:46](#)
كتابك وعلى محبتك. والتقت يا ربنا على طاعتك. وتوحدت على دعوتك. وتعاهدت على نصرة شريعة فوثق اللهم رابطتها وادم ودها واهدها سبلها واملأها بنورك الذي لا يخبو واشرح صدورها بفيض - [00:33:06](#)
الايمان بك وجميل التوكل عليك. واحببها يا ربنا بمعرفتك وامتها يا مولانا على الشهادة في سبيلك انك نعم المولى ونعم النصير.
والسلام عليكم ورحمة الله وبركاته. ونراكم غدا باذن الله في نفس هذا الموعد. ان كنا من اهلك - [00:33:26](#)
الدنيا - [00:33:46](#)